



VENDIMI ËSHTË I PLOTFUQISHËM
DOLIKA JE PRAVNO-SNAZNA
GJYKATA THEMELORE I OSNOVNI SUD
FERIZAJ I UROSEVAC

Më
Ushtre

01-08-2018



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE FERIZAJ

Numri i lëndës: 2018:030652

Datë: 25.06.2018

Numri i dokumentit: 00068644

P.nr.2954/17

NË EMER TË POPULLIT

GJYKATA THEMELORE NE FERIZAJ - Departamenti i Përgjithshëm, Divizioni Penal, gjyqtari Adem Shabani, me procesmbajtësen-praktikanten Marigona Shaqiri, në çështjen penale kundër të akuzuarit [REDACTED], me vendbanim në Shkup në [REDACTED] rruga [REDACTED] nr. [REDACTED] rruga-Republika e Maqedonisë, për shkak të veprës penale rrezikimi i trafikut publik nga neni 378 par.6 lidhur me par.1 të KPRK-së, sipas aktakuzës së Prokurorisë Themelore në Ferizaj PP.II.nr.2191-7/2017 e dt. 23.11.2017, pas mbajtjes së shqyrtimit fillestar në prani të përfaqësuesit të akuzës-prokurori i shtetit Bahri Hyseni të akuzuarit [REDACTED], me dt.21.06.2018, solli dhe publikisht shpalli këtë:

A K T G J Y K I M

I akuzuari [REDACTED] me vendbanim në Shkup në [REDACTED] rruga [REDACTED] nr. [REDACTED] rruga-Republika e Maqedonisë, i lindur me [REDACTED] në fshatin [REDACTED] nga babai [REDACTED], dhe e ëma [REDACTED] e gjinisë [REDACTED] shqiptar, shtetas i Republikës së Maqedonisë, ka të kryer shkollën filliore, me profshin shofer i gjendjes së dobët ekonomike, i pa dënuar deri më tani, me numër te [REDACTED] dhe [REDACTED] mbrohet në liri,-

ËSHTË FAJTORË

SEPSE:

Me datë 09.Tetor 2017, rrëth orës 09:00, në Fshatin Prelez, Komuna Ferizaj, duke drejtuar automjetin transportues të markës "Mercedes 950.20", me tabela të regjistrimit [REDACTED], ka rrezikuar trafikun publik duke vu në rrezik jetën e njerëzve dhe pasurinë e tyre, me ç'rast ka vepruar në kundërshtim me dispozitat ligjore nga neni 68.1 të Ligjit për Rregullat e Trafikut Rrugor, ku nga pakujdesia, ndërmerr veprim të pasigurt me të cilin pengon edhe pjesëmarrësit e tjerë në komunikacion, ashtu që fillon tejkalimin e një traktori pa u siguruar se më pare veç kishte filluar tejkalimin e kamionit të tij, automjeti i markës "Ford Transit" me

tabela të regjistrimit [REDAKTUE], të cilin e drejtonte i dëmtuarit [REDAKTUE] i cili për t'u shmhangu aksidentit direkt, del jashtë rrugës në anën e majtë, me ç 'rast përvëç demit material të shkaktuar në automjet, pëson edhe lëndime trupore, e që bazuar në mendimin dhe konstatimin e ekspertit mjeko ligjor të datës 04.Nëntor 2017, lëndimet e tillë bëjnë pjesë në dëmtime të lehta trupore me pasoja të përkohshme shëndetit.

Me të cilën ka kryer veprën penale rrezikim i trafikut publik nga neni 378 par.6 lidhur me par.1 të KPRK-së.

Gjykata në bazë të neneve 4, 7, 41, 46, dhe 73 të KPRK-së, dhe nenit 365 të KPPK-së të akuzuarin e

G J Y K O N

Të akuzuarit [REDAKTUE] i shqipton dënimin me gjobë në shumë prej 150 / njëqind e pesëdhjete / €uro, të cilin dënim me gjobë është i obliguar ta paguan me këste për një periudhë prej tre/3/ muajsh, konform nenit 46 par.2 të KPRK-së, 15 ditë nga dita e plotfuqishmërisë së këtij aktgjykimi.

Në rast se personi i dënuar nuk dëshiron ose nuk mundet ta paguan dënimin në të holla, sipas nenit 46 par.3 të KPK-së, i njëjti dënim do t'i shndërrohet në dënim me burgim ashtu që për çdo 20 €uro, do t'i llogaritet një (1) ditë burgim.

I dëmtuarit [REDAKTUE] nga [REDAKTUE] për realizimin e kërkesës pasurore-juridike udhëzohen në kontest civil.

Obligohet i akuzuari të paguaj shpenzimet e procedurës penale për ekspertizën mjekoligjore shumën prej 20 €uro, për ekspertizën e ekspertit të komunikacionit në shumë prej 35,77 €uro, paushallin gjyqësor në shumë prej nga 20 (njëzetë) €uro, dhe taksën në shumën prej 30 €uro të gjitha këto në afat prej 15 ditësh nga dita e plotfuqishmërisë së këtij aktgjykimi.

A r s y e t i m

Prokuroria Themelore në Ferizaj ka paraqitur aktakuzën PP.II.nr.2191-7/2017 e dt. 23.11.2017, me të cilën ka ngarkuar të akuzuarin [REDAKTUE] me vendbanim në Shkup në [REDAKTUE], rruga [REDAKTUE] nr. [REDAKTUE] rruga-Republika e Maqedonisë, për shkak të veprës penale rrezikimi i trafikut publik nga neni 378 par.6 lidhur me par.1 të KPRK-së.

Gjykata duke vepruar rreth kësaj çështje penale konform nenit 245 par.1 të KPPK-së me dt. 21.06.2018, ka mbajtur shqyrtimin fillestar në të cilin kanë marrë pjesë prokuroja e shtetit Bahri Hyseni ,dhe i akuzuari [REDAKTUE]

Në shqyrtimin fillestar gjyqtari ka konstatuar se i akuzuari në afatin ligjor me kohë së bashku me ftesën për shqyrtim, ka pranuar edhe një kopje të aktakuzës.

Në fillim të shqyrtimit filletar i akuzuari është udhëzuar në kuptim të nenit 246.1 të KPPK-së pastaj gjyqtari gjykues ka çmuar se të drejtat e të akuzuarit janë respektuar, e më pas prokurori i shtetit ka lexuar aktakuzën të akuzuarit.

Gjyqtari gjykues është bindur se i akuzuari pas leximit të aktakuzës e ka kuptuar në tërësi aktakuzën me të cilën është akuzuar, të njëjtë i ka dhënë mundësi të deklarohet mbi fajësinë apo pafajësinë e tij lidhur me veprën penale për të cilën akuzohet.

I akuzuari [REDACTED], në shqyrtimin filletar ka deklaruar pasi eksperti i komunikacionit ka konstatuar se me lëshimet e tija ka ardhur deri te aksidenti e ndien veten fajtorë dhe e pranon e pranoj fajësinë për veprën penale për të cilën e ngarkon aktakuza, i shpreh kërkim falje të dëmtuarit dhe është hera e parë që ndeshet me ligjin i ka propozuar gjykatës që me rastin e shqiptimit të dënimit të mere për bazë të gjitha rrëthanat lehtësuese.

Gjyqtari në kuptim nenit 248 par.1 nën.par.1.1, 1.2, 1.3, 1.4 dhe par.4 të KPPK-së, është e bindur se i akuzuari e ka kuptuar natyrën dhe pasojat e pranimit të fajësisë, pranimin e ka bërë vullnetarisht duke e mbështetur në provat që përmban aktakuza dhe në materialet e prezantuara nga ana e prokurorit të shtetit.

Pas pranimit të fajësisë nga ana e të akuzuarit gjyqtari në kuptim të nenit 248 par.2 të KPPK-së ka kërkuar edhe mendimin e prokurorit të shtetit lidhur me pranimin e fajësisë.

Prokurori i shtetit Bahri Hyseni ka deklaruar se pajtohet me pranimin e fajësisë nga ana e të pandehurit, pasi pranimi i tillë është bërë konform ligjit gjegjësish në bazë të nenit 248 të KPPRK-së, dhe ka mbështetje edhe në provat tjera të cilat gjenden në shkresat e lëndës e të cilat e vërtetojnë gjendjen faktike.

Gjykata në shqyrtimin filletar ka vetëtuar se i akuzuari pranimin e fajësisë e ka mbështet në provat që gjenden në shkresat e kësaj lënde penale si mendimi dhe konstatimi i ekspertit te komunikacionit i dt. 09.Nëntor 2017, si dhe ekspertiza mjeko ligjore e dt. 04.Nëntor 2017, foto dokumentacioni nga vendi i ngjarjes dhe shkresat tjera që gjinden në këtë lëndë penale.

Vlerësuar nga aspekti juridik gjykata geti se në veprimet e të akuzuarit manifestohen të gjitha elementet e veprës penale rrezikim i trafikut publik nga neni 378 par.6 lidhur me par.1 të KPRK-së.

Me rastin e matjes së llojit dhe lartësisë së dënimit gjykata pati parasysh të gjitha rrëthanat në kuptim të nenit 73 të KPRK së të cilat ndikojnë në llojin dhe lartësinë e dënimit, si rrëthanë lehtësuese për të akuzuarin mori pranimin e fajësisë nga ana e të njëjtë, pendimin për veprën penale të kryer, kërkim falje për të dëmtuarin, hera parë që ndeshet me ligjin, gjykata vlerësoi shkallën e përgjegjësisë penale të akuzuarit dhe rrezikshmërinë konkrete të kësaj vepre penale, dhe në kuptim të të gjitha këtyre, i shqiptoi dënim si në dispozitiv të aktgjykit duke qenë e bindur se një dënim i tillë është në proporcion dhe raport me peshën e veprës konkrete penale, rrëthanave të kryerjes si dhe personalitetin e të akuzuarit dhe me te arrihet qëllimi ndëshkimore në kuptim të preventivës speciale që i akuzuari të mos kryejë vepra

penale si dhe në kuptim të preventivës së përgjithshme të parandalimit të kësaj vepre penale në shoqëri konform nenit 41 të KPRK-së.

Konform nenit 463 parag.1 lidhur me par 3.të KPPK-së, [REDACTED], nga [REDACTED] për realizimin e kërkesës pasurore-juridike udhëzohen në kontest civil.

Vendimi mbi kompensimin e shpenzimeve të procedurës penale dhe paushallit gjyqësor është sjell në bazë të nenit 450 par.2 nënpar.2.6 lidhur me nenin 453 par.1 të KPPK-së dhe nenit 39 parag.1 nën par. 3.1 të Ligjit për Kompensimin e viktimate të krimtit Nr.05/L-036.

Nga sa u tha më lart është vendosur si në dispozitiv të këtij aktgjykimi.

GJYKATA THEMELORE NË FERIZAJ


Departamenti i Përgjithshëm - Divizioni Penal,

P.nr.2954/2017 me datë 21.06.2018

Procesmbajtëse

Marigona Shaqiri

Gjyqtari
Adem Shabani



KËSHILLA JURIDIKE: Kundër këtij aktgjykimi mundë të ushtrohet, ankesë, në afat prej 15 ditësh nga dita e pranimit, Gjykatës së Apelit në Prishtinë, përmes kësaj gjykate.